



**Raporti i auditorit të pavarur dhe pasqyrat financiare individuale  
për vitin që përfundoi më 31 dhjetor 2023**

## RAPORTI I AUDITORIT TË PAVARUR

### Drejtuar menaxhmentit të Fondacioni Kosovar për Shoqëri Civile - KCSF

#### Opinion

Ne kemi audituar pasqyrat financiare shoqëruese të Fondacioni Kosovar për Shoqëri Civile - KCSF, të cilat përbëhen nga pasqyra e pozicionit financiar më 31 dhjetor 2023, pasqyra e të ardhurave gjithëpërfshirëse, pasqyra e ndryshimeve në gjendjen e fondeve dhe pasqyra e rrjedhës së parasë për vitin që ka përfunduar në atë datë, si dhe një përmbledhje të politikave të kontabilitetit dhe shënimeve tjera shpjeguese.

Sipas opinionit tonë, pasqyrat financiare paraqesin drejtë në të gjitha aspektet materiale, pozitën financiare të Fondacioni Kosovar për Shoqëri Civile - KCSF me 31 dhjetor 2023 dhe të performancës financiare dhe rrjedhës së parasë së gatshme për vitin financiar që ka përfunduar në atë datë në përputhje me Ligjet aktuale në fuqi.

#### Baza për Opinion

Ne kemi kryer auditimin në përputhje me Standardet Ndërkombëtare të Auditimit (SNA). Përgjegjësitë tona sipas këtyre standardeve janë përshkruar më tej në seksionin e raportit Përgjegjësitë e Auditorit për Auditimin e Pasqyrave Financiare. Ne jemi të pavarur nga Organizata në përputhje me Kodin e Etikës për Kontabilistët Profesionistë (Kodit IESBA) dhe kemi përmbushur përgjegjësitë tjera etike në përputhje me Kodin IESBA. Ne besojmë se evidenca e auditimit që kemi siguruar është e mjaftueshme dhe e përshtatshme për të ofruar bazat për opinionin tonë.

#### Përgjegjësitë e menaxhmentit dhe personave që janë të ngarkuar me qeverisjen e pasqyrave financiare

Menaxhmenti është përgjegjës për përgatitjen dhe prezantimin e drejtë të këtyre pasqyrave financiare në pajtueshmëri me Standardet Ndërkombëtare të Raportimit Financiar dhe për kontrollet e brendshme të cilat menaxhmenti i vlerëson të nevojshme për të mundësuar përgatitjen e pasqyrave financiare pa gabime materiale, për shkak të mashtrimit apo gabimit.

Në përgatitjen e pasqyrave financiare, menaxhmenti është përgjegjës për vlerësimin e aftësisë së organizatës për vazhdueshmërinë në të ardhmen, duke shpalosur, sipas nevojës, çështjet lidhur me vazhdueshmërinë në të ardhmen dhe përdorimin e parimit të vazhdueshmërisë së kontabilitetit përveç nëse menaxhmenti synon të likuideojë Organizatën, ndërpres operimin, apo nuk ka ndonjë alternativë tjetër të mundshme përveç se të bëjë atë.

Ata të cilët janë ngarkuar me qeverisje janë përgjegjës për mbikëqyrjen e procesit të raportimit financiar të Organizatës.

#### Përgjegjësitë e auditorit për auditimin e pasqyrave financiare

Objektivat tona janë për të marrë siguri të arsyeshme nëse pasqyrat financiare si tërësi janë të lira nga gabimet materiale, për shkak të mashtrimit apo gabimit, dhe për të nxjerrë një raport të auditorit që përfshin opinionin tonë. Siguria e arsyeshme është nivel i lartë i sigurisë, por nuk ka garanci që një auditim i kryer në përputhje me SNA-të gjithmonë do të zbulojë gabime materiale kur ato ekzistojnë.

Gabimet mund të rrjedhin nga mashtrimet apo gabimet tjera dhe konsiderohen materiale nëse, individualisht ose në total, ato në mënyrë të arsyeshme mund të pritet të ndikojnë në vendimet ekonomike të përdoruesve të marra mbi bazën e këtyre pasqyrave financiare.

Si pjesë e një auditimi në përputhje me SNA-të, ne ushtrojmë gjykimin profesional dhe mbajmë skepticizmin profesional gjatë auditimit. Ne gjithashtu:

- Identifikojmë dhe vlerësojmë rrezikun e gabimeve materiale në pasqyrat financiare, për shkak të mashtrimit apo gabimit, dizajnojmë dhe kryejmë procedurat e auditimit të përshtatshme për këto rreziqe. Ne marrim dëshmi të auditimit të mjaftueshme dhe të përshtatshme për të ofruar bazat për opinionin tonë. Rreziku i mos zbulimit të gabimeve materiale që rezultojnë nga mashtrimi është më i lartë se i atij që rrjedh nga gabimi, pasi mashtrimi mund të përfshijë marrëveshje të fshehta, falsifikim, lëshime të qëllimshme, keqinterpretime apo shkelje të kontrolleve të brendshme.
- Përfitojmë njohuri mbi kontrollin e brendshme që janë relevante për auditim me qëllim të hartimit të procedurave të auditimit që janë të përshtatshme në rrethanat, por jo për qëllim të shprehjes së një opinionimi mbi efektivitetin e kontrolleve të brendshme të Organizatës.
- E vlerësojmë përshtatshmërinë e politikave kontabël të përdorura, arsyeshmërinë e vlerësimeve kontabël dhe shpalosjet relevante të bëra nga menaxhmenti.
- Konkludojmë mbi përshtatshmërinë e përdorimit të parimit të vazhdueshmërisë së kontabilitetit nga menaxhmenti, duke u bazuar në dëshmitë e siguruara të auditimit, nëse një pasiguri materiale ekziston në lidhje me ngjarjet apo kushtet që mund të hedhë dyshime të konsiderueshme mbi aftësinë e organizatës për të vazhduar në vijimësi. Nëse arrijmë në përfundimin se një pasiguri materiale ekziston, ne jemi të detyruar të tërheqim vëmendjen në raportin tonë të auditimit për shpalosjet relevante në pasqyrat financiare apo nëse shpalosjet e tilla janë të papërshtatshme, të modifikojmë opinionin tonë. Konkluzionet tona bazohen në evidencat e auditimit të marra deri në datën e raportit të auditimit. Megjithatë, ngjarjet ose kushtet në të ardhmen mund të shkaktojnë që organizata të pushojë së vazhduari në vijimësi.
- Vlerësojmë paraqitjen e përgjithshme, strukturën dhe përmbajtjen e pasqyrës financiare, përfshirë shpalosje nëse pasqyra financiare përfaqëson transaksionet dhe ngjarjet përkatëse në mënyrë që të arrijë paraqitjen e drejtë.

Ne komunikojmë me ata që janë të ngarkuar me qeverisje lidhur me qasjen e planifikuar, kohën e auditimit dhe gjetjet e rëndësishme të auditimit, përfshirë çdo mangësi të rëndësishme në kontrollet e brendshme që kemi identifikuar gjatë auditimit.

---

Armend Osaj – Auditor Ligjor  
ACA – Audit & Consulting Associates  
Prishtinë, Kosovë  
25 mars, 2024



# FONDACIONI KOSOVAR PËR SHOQËRI CIVILE - KCSF

## Pasqyra e pozicionit financiar

Për vitin që përfundoi me 31 dhjetor 2023

(Të gjitha vlerat janë prezantuar në EUR)

		Më 31 Dhjetor 2023	Më 31 Dhjetor 2022
	Shënime		
<b>PASURITË</b>			
<b>Pasuritë qarkulluese</b>			
Paraja dhe ekuivalentët e parasë	3	1,802,072	1,830,855
Parapagimet për objekt	4	491,422	491,421
Grantet e parapaguara	5	679,032	868,641
<b>Gjithsej pasuritë qarkulluese</b>		<b>2,972,526</b>	<b>3,190,917</b>
<b>Pasuritë jo-qarkulluese</b>			
Toka, Prona dhe Pajisjet	6	100,932	79,807
<b>Gjithsej pasuritë jo-qarkulluese</b>		<b>100,932</b>	<b>79,807</b>
<b>GJITHSEJ PASURITË</b>		<b>3,073,458</b>	<b>3,270,724</b>
<b>DETYRRIMET DHE FONDET</b>			
<b>Detyrimet afatshkurta</b>			
Llogaritë e pagueshme dhe detyrimet e tjera	7	47,297	67,530
Të hyrat e shtyra	8	2,513,923	2,712,080
<b>Gjithsej detyrimet afatshkurtëra</b>		<b>2,561,220</b>	<b>2,779,611</b>
<b>Fondet</b>			
Saldoja e bartur		491,113	446,451
Teprica (mungesa) për vitin		21,125	44,662
<b>Gjithsej fondet</b>		<b>512,238</b>	<b>491,113</b>
<b>TOTALI I DETYRIMEVE DHE FONDEVE</b>		<b>3,073,458</b>	<b>3,270,724</b>

Pasqyrat financiare të përgaditura dhe aprovuara janë nënshkruar më 25 mars 2024 nga:

Taulant Hoxha

Drejtor Ekzekutiv

Rron Zajmi

Drejtor i Financave dhe administratës

Shënimet e bashkangjitura nga 1 deri në 14 janë pjesë përbërëse e pasqyrave financiare

**FONDACIONI KOSOVAR PËR SHOQËRI CIVILE - KCSF****Pasqyra e pozicionit financiar****Për vitin që përfundoi me 31 dhjetor 2023**

(Të gjitha vlerat janë prezantuar në EUR)

		<b>Fundi i Vitet Dhjetor 31 2023</b>	<b>Fundi i Vitet Dhjetor 31 2022</b>
<b>Shënime</b>			
<b>Të hyrat</b>			
Të hyrat nga grantet	<b>9</b>	2,302,742	1,856,360
Të hyrat tjera	<b>10</b>	16,730	59,991
<b>Totali i të hyrave</b>		<b>2,319,472</b>	<b>1,916,350</b>
<b>Shpenzimet</b>			
Shpenzimet e projektit	<b>11</b>	901,385	708,832
Shpenzimet e projektit - grantet e dhëna	<b>11</b>	1,283,552	919,702
Shpenzimet administrative	<b>11</b>	83,062	126,023
Shpenzime të tjera	<b>11</b>	51,473	161,794
		<b>2,319,472</b>	<b>1,916,350</b>
Rregullimet për asetet fikse	<b>6</b>	(55,544)	(51,639)
Shpenzimet e amortizimit	<b>6</b>	34,419	6,977
<b>Totali i shpenzimeve</b>		<b>2,298,347</b>	<b>1,871,689</b>
<b>Pjesa e mbetur</b>		<b>21,125</b>	<b>44,662</b>

Shënimet e bashkangjitura nga 1 deri në 14 janë pjesë përbërëse e pasqyrave financiare